



ქალაქ ფოთის მუნიციპალიტეტის საკრებულო

განკარგულება №21/72

2018 წლის 22 ნოემბერი

ქალაქი ფოთი

ქალაქ ფოთის მუნიციპალიტეტის საკრებულოს დადგენილების პროექტის „ქალაქ ფოთის მუნიციპალიტეტის 2019 წლის ბიუჯეტის დამტკიცების შესახებ“ ქალაქ ფოთის მუნიციპალიტეტის მერისთვის შენიშვნებით დაბრუნების თაობაზე

საკრებულო აღნიშნავს, რომ საქართველოს ორგანული კანონის „ადგილობრივი თვითმმართველობის კოდექსის“ 91-ე მუხლის, მე-4 პუნქტისა და საქართველოს საბიუჯეტო კოდექსის 78-ე მუხლის მე-3 პუნქტის შესაბამისად, ბიუჯეტის პროექტთან დაკავშირებით შენიშვნების არსებობის შემთხვევაში საკრებულო არაუგვიანეს 25 ნოემბრისა ბიუჯეტის პროექტს შენიშვნებით უბრუნებს მუნიციპალიტეტის მერს.

ქალაქ ფოთის მუნიციპალიტეტის საკრებულოს კომისიებს დადგენილების პროექტთან „ქალაქ ფოთის მუნიციპალიტეტის 2019 წლის ბიუჯეტის დამტკიცების შესახებ“ დაკავშირებით გააჩნიათ შენიშვნები.

ამდენად, მიზანშეწონილია, ქალაქ ფოთის მუნიციპალიტეტის მერის მიერ წარმოდგენილი, საკრებულოს დადგენილების პროექტი „ქალაქ ფოთის მუნიციპალიტეტის 2019 წლის ბიუჯეტის დამტკიცების შესახებ“ შენიშვნებით დაუბრუნდეს ქალაქ ფოთის მუნიციპალიტეტის მერს.

აღნიშნულიდან გამომდინარე:

მუხლი 1.

ქალაქ ფოთის მუნიციპალიტეტის მერის მიერ წარმოდგენილი, საკრებულოს დადგენილების პროექტი „ქალაქ ფოთის მუნიციპალიტეტის 2019 წლის ბიუჯეტის დამტკიცების შესახებ“ შენიშვნებით დაუბრუნდეს ქალაქ ფოთის მუნიციპალიტეტის მერს (ქალაქ ფოთის მუნიციპალიტეტის საკრებულოს კომისიებისა და ფრაქციების დასკვნები თან ერთვის).

მუხლი 2.

ქალაქ ფოთის მუნიციპალიტეტის მერმა (გოჩა კურდღელია) აღნიშნული განკარგულების შესრულებასთან დაკავშირებით გაატაროს შესაბამისი ღონისძიებები.

მუხლი 3.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 4.

განკარგულება ძალაშია 2018 წლის 22 ნოემბრიდან.

საკრებულოს თავჯდომარე



ირაკლი კაკულია

85

ქალაქ ფოთის მუნიციპალიტეტის საკრებულო საფინანსო-საბიუჯეტო კომისია

№20/1

21.11.2018 წ.

დასკვნა

ქალაქ ფოთის მუნიციპალიტეტის საკრებულოს საფინანსო-საბიუჯეტო კომისიამ განიხილა საკრებულოს დადგენილების პროექტი „ქალაქ ფოთის მუნიციპალიტეტის 2019 წლის ბიუჯეტის დამტკიცების შესახებ“. ასევე ქალაქ ფოთის მუნიციპალიტეტის 2019 წლის პრიორიტეტების დოკუმენტი.

კომისიას წარმოდგენილ დადგენილების პროექტთან დაკავშირებით გააჩნია შენიშვნები. კერძოდ, შევიდეს შემდეგი ცვლილებები:

1. ქალაქ ფოთის მუნიციპალიტეტის საკრებულოს ხარჯები გაიზარდოს 67,4 ათ. ლარით და განისაზღვროს 1311,4 ათ. ლარით, მათ შორის:

- გაიზარდოს მივლინების ხარჯები ქვეყნის გარეთ 11,0 ათ. ლარით და განისაზღვროს 20,0 ათ. ლარით;

- გაიზარდოს მცირეფასიანი ტექნიკის შეძენისა და დამონტაჟების ხარჯი 28,3 ათ. ლარით და განისაზღვროს 38,2 ათ. ლარით;

- გაიზარდოს კავშირგაბმულობის ხარჯი 8,0 ათ. ლარით და განისაზღვროს 28,8 ათ. ლარით;

- გაიზარდოს ტრანსპორტის, ტექნიკისა და იარაღის ექსპლუატაციისა და მოვლა-შენახვის ხარჯები 14,5 ათ. ლარით (მათ შორის: საწვავ-საპოხი მასალების შეძენის ხარჯი 12,0 ათ. ლარით, მიმდინარე რემონტის ხარჯი 2,5 ათ. ლარით) და განისაზღვროს 74,5 ათ. ლარით;

- გაიზარდოს სხვადასხვა ხარჯები 5,6 ათ. ლარით და განისაზღვროს 47,5 ათ. ლარით.

2. კულტურა, რელიგია, ახალგაზრდულ და სპორტულ ღონისძიებებში:

- შემცირდეს ახალგაზრდული და სპორტული ღონისძიებების დაფინანსება 2,5 ათ. ლარით და განისაზღვროს 121,0 ათ. ლარით;

- შემცირდეს კულტურული ღონისძიებების დაფინანსება 2,5 ათ. ლარით და განისაზღვროს 134,0 ათ. ლარით;

- გაიზარდოს ს.ს.ი.პ. „ქალაქ ფოთის ვალერიან გუნიას სახელობის პროფესიული თეატრის“ კაპიტალური შეკეთების პროექტირების ხარჯების დაფინანსება 5,0 ათ. ლარით და განისაზღვროს 25,0 ათ. ლარით;

აქედან გამომდინარე, კომისიას მიზანშეწონილად მიაჩნია, დადგენილების პროექტი „ქალაქ ფოთის მუნიციპალიტეტის 2019 წლის ბიუჯეტის დამტკიცების შესახებ“, ასევე ქალაქ ფოთის მუნიციპალიტეტის 2019 წლის პრიორიტეტების დოკუმენტი, დაუბრუნდეს ქალაქ ფოთის მუნიციპალიტეტის მერს, აღნიშნული შენიშვნებისა და საკრებულოს კომისიებიდან და ფრაქციებიდან შემოსული შენიშვნა-რეკომენდაციების გათვალისწინებით (თან ერთვს).

კომისიის თავმჯდომარე

თორნიკე კირთაძე

ქალაქ ფოთის მუნიციპალიტეტის საკრებულოს სოციალურ საკითხთა კომისია

21 ნოემბერი 2018

დასკვნა

ქალაქ ფოთის მუნიციპალიტეტის საკრებულოს სოციალურ საკითხთა კომისიამ 2018 წლის 21 ნოემბერს კომისიის სხდომაზე განიხილა საკითხი „ქალაქ ფოთის მუნიციპალიტეტის 2019 წლის ბიუჯეტის დამტკიცების შესახებ“ ასევე „ქალაქ ფოთის მუნიციპალიტეტის 2019 წლის პრიორიტეტების დოკუმენტი“.

კომისია ეთანხმება წარმოდგენილ პროექტს შემდეგი შენიშვნების გათვალისწინებით:

1.სპორტული ობიექტების რეაბილიტაცია-მშენებლობა.(პროგრამული კოდი 06.01.05) ქალაქში არსებული სპორტული ობიექტების ნაწილი სასწრაფოდ საჭიროებს რეაბილიტაციას. აღნიშნულიდან გამომდინარე მიზანშეწონილად მივიჩნევთ ამ პუნქტში თანხის გაზრდას.

2.მოსახლეობის მედიკამენტებით უზრუნველყოფა (პროგრამული კოდი 06.02.02) ბოლო პერიოდში მძიმე ონკოლოგიური ფონის მატების გამო, კომისია მიზანშეწონილად მიიჩნევს გაიზარდოს მედიკამენტებით უზრუნველყოფის თანხა.

3.შშმ ბავშვთა რეაბილიტაციის დაფინანსება (პროგრამული კოდი 06.02.06) კომისია მიზანშეწონილად მიიჩნევს გაიზარდოს ამ მუხლით პროგრამულ მართვაში გათვალისწინებული მაქსიმალური თანხა 500 (ხუთასი) ლარიდან 1500 (ათასხუთასი) ლარამდე.

4.მარტოხელა დედათა დახმარება (პროგრამული კოდი 06.03.02) შეიცვალოს პროგრამის დასახელება „მარტოხელა დედათა დახმარება“ და ჩამოყალიბდეს შემდეგნაირად „მარტოხელა მშობელთა დახმარება“

5. 2008 წლის აგვისტოს მოვლენების დროს რუსეთის აგრესიის შედეგად დაღუპულთა ოჯახების დახმარება (პროგრამული კოდი 06.03.03.03) გაიზარდოს ბენეფიციართა ყოველთვიური დახმარება 150 (ასორმოცდაათი) ლარიდან 200 (ორასი) ლარამდე.

6.სადღესასწაულო დღეებთან დაკავშირებული დახმარებები (პროგრამული კოდი 06.06) აღნიშნული პროგრამის მართვაში შეიცვალოს წინადადება „დედით და დედ-მამით ობლები“ შეიცვალოს სიტყვებით: „მამით ან დედით ან/და დედ-მამით“.

კომისიის თავმჯდომარე

ბაქარი ერაგია

საქართველო

ქალაქ ფოთის მუნიციპალიტეტის საკრებულო სივრცით-ტერიტორიული დაგეგმარების და ინფრასტრუქტურის კომისია

№9/16

21 ნოემბერი 2018 წელი

დასკვნა

ქალაქ ფოთის მუნიციპალიტეტის საკრებულოს სივრცით-ტერიტორიული დაგეგმარების და ინფრასტრუქტურის კომისიამ განიხილა ქალაქ ფოთის მუნიციპალიტეტის მერის მიერ წარმოდგენილი დადგენილების პროექტი „ქალაქ ფოთის მუნიციპალიტეტის 2019 წლის ბიუჯეტის დამტკიცების შესახებ“, ასევე ქალაქ ფოთის მუნიციპალიტეტის 2019 წლის პრიორიტეტების დოკუმენტი“.

კომისიას დადგენილების პროექტთან გააჩნია შემდეგი შენიშვნები, კერძოდ:

1. საგზაო ინფრასტრუქტურის მშენებლობა, რეაბილიტაცია და მოვლა შენახვის (გზები და ხიდები) (კოდი 03.01) თანხები გაიზარდოს.
2. კეთილმოწყობის ღონისძიებების (კოდი 03.03) თანხები გაიზარდოს.
3. კომუნალური ინფრასტრუქტურის მშენებლობა-რეაბილიტაცია და ექსპლოატაციის (კოდი 03.02) თანხები შემცირდეს.

აღნიშნულიდან გამომდინარე კომისიამ მიზანშეწონილად მიიჩნია დამატებითი შესწავლის და სრულყოფილად განხილვის მიზნით დადგენილების პროექტი „ქალაქ ფოთის მუნიციპალიტეტის 2019 წლის ბიუჯეტის დამტკიცების შესახებ“, ასევე ქალაქ ფოთის მუნიციპალიტეტის 2019 წლის პრიორიტეტების დოკუმენტი“ დაუბრუნდეს ქალაქ ფოთის მუნიციპალიტეტის მერს.

კომისიის თავმჯდომარე



ბექა ვაჭარაძე

საქართველო

ქალაქ ფოთის მუნიციპალიტეტის საკრებულო
ქონების მართვისა და ბუნებრივი რესურსების საკითხების კომისია

№17/42

21 ნოემბერი 2018 წელი

დასკვნა

ქალაქ ფოთის მუნიციპალიტეტის საკრებულოს ქონების მართვისა და ბუნებრივი რესურსების საკითხების კომისიამ განიხილა საკრებულოს დადგენილების პროექტი „ქალაქ ფოთის მუნიციპალიტეტის 2019 წლის ბიუჯეტის დამტკიცების შესახებ, ქალაქ ფოთის მუნიციპალიტეტის 2019 წლის პრიორიტეტების დოკუმენტი“.

ქონების მართვისა და ბუნებრივი რესურსების საკითხების კომისიამ მიზანშეწონილად მიიჩნია დამატებითი შესწავლის და სრულყოფილად განხილვის მიზნით დადგენილების პროექტი „ქალაქ ფოთის მუნიციპალიტეტის (თვითმმართველი ერთეულის) 2019 წლის ბიუჯეტის დამტკიცების შესახებ“, ასევე ქალაქ ფოთის მუნიციპალიტეტის 2019 წლის პრიორიტეტების დოკუმენტი“ დაუბრუნდეს ქალაქ ფოთის მუნიციპალიტეტის მერს.

კომისიის თავმჯდომარე *ა. შონია*

თორნიკე შონია

ს ა ქ ა რ თ ვ ე ლ ო

ქალაქ ფოთის მუნიციპალიტეტის საკრებულო

იურიდიულ, სამანდატო, საპროცედურო საკითხთა და ეთიკის კომისია

N39/1

21 ნოემბერი 2018 წელი

დასკვნა

ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიამ განიხილა ქალაქ ფოთის მუნიციპალიტეტის მერის მიერ წარმოდგენილი საკრებულოს დადგენილების პროექტი „ქალაქ ფოთის მუნიციპალიტეტის 2019 წლის ბიუჯეტის დამტკიცების შესახებ“.

ზემოხსენებულ საკითხთან დაკავშირებით კომისიამ დაადგინა:

საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-2 პუნქტის „ა“ ქვეპუნქტის, 24-ე მუხლის პირველი პუნქტის „დ.ა“ ქვეპუნქტის, 54-ე მუხლის პირველი პუნქტის „გ.ა“ ქვეპუნქტის, საქართველოს კანონის „საქართველოს საბიუჯეტო კოდექსის“ 77-ე და 78-ე მუხლების შესაბამისად, საკრებულო უფლებამოსილია მიიღოს საკრებულოს დადგენილების პროექტი „ქალაქ ფოთის მუნიციპალიტეტის 2019 წლის ბიუჯეტის დამტკიცების შესახებ“.

ამასთანავე, კომისიას გააჩნია გარკვეული შენიშვნები წარმოდგენილ სამართლებრივ აქტის პროექტთან დაკავშირებით, კერძოდ:

1. „ქალაქ ფოთის მუნიციპალიტეტის 2019 წლის ბიუჯეტის დამტკიცების შესახებ“ ქალაქ ფოთის მუნიციპალიტეტის საკრებულოს დადგენილების პროექტის (შემდგომში- დადგენილების პროექტი) მე-3 მუხლის შესაბამისად, ამ დადგენილების ამოქმედებიდან ძალადაკარგულად ცხადდება „ქალაქ ფოთის მუნიციპალიტეტის 2018 წლის ბიუჯეტის დამტკიცების შესახებ“ თვითმმართველი ქალაქ ფოთის საკრებულოს 2017 წლის 25 დეკემბრის №7/48 დადგენილება, ხოლო დადგენილების პროექტის მე-4 მუხლის შესაბამისად, აღნიშნული დადგენილება ძალაშია გამოქვეყნებისთანავე, შესაბამისად, თუ, საკრებულოს დადგენილება გამოქვეყნდა 2019 წლის 1 იანვრამდე, მაშინ

გამოქვეყნებისთანავე-2019 წლის 1 იანვრამდე, ძალას კარგავს „ქალაქ ფოთის მუნიციპალიტეტის 2018 წლის ბიუჯეტის დამტკიცების შესახებ“ ქალაქ ფოთის მუნიციპალიტეტის საკრებულოს 2017 წლის 25 დეკემბრის №7/48 დადგენილება, შესაბამისად ძალადაკარგულად ცხადდება ქალაქ ფოთის მუნიციპალიტეტის 2018 წლის ბიუჯეტი, რაც შეაფერხებს ქალაქ ფოთის მუნიციპალიტეტის ორგანოების საქმიანობას 2019 წლის 1 იანვრამდე. „ნორმატიული აქტების შესახებ“ საქართველოს კანონის მე-16 მუხლის მე-5 პუნქტის შესაბამისად, ნორმატიული აქტის დასკვნითი დებულებები შეიცავს აქტის ძალაში შესვლის დროს, ამდენად, მიზანშეწონილია საკრებულოს დადგენილების პროექტის მე-4 მუხლი „ჩამოყალიბდეს შემდეგი რედაქციით:

„მუხლი 4.

დადგენილება ამოქმედდეს 2019 წლის 1 იანვრიდან.“

2. საქართველოს ორგანული კანონის „ადგილობრივი თვითმმართველობის კოდექსის“ მე-10 მუხლის მე-7 პუნქტის შესაბამისად, ქალაქ ფოთის მუნიციპალიტეტის ზუსტი დასახელებაა „ქალაქ ფოთის მუნიციპალიტეტი“, შესაბამისად საკრებულოს დადგენილების პროექტის მე-3 მუხლში, სიტყვები: „თვითმმართველი ქალაქ ფოთის საკრებულოს“ უნდა შეიცვალოს სიტყვებით: „ქალაქ ფოთის მუნიციპალიტეტის საკრებულო“.

3. 2.1.2.1 სხვა გაუთვალისწინებელი ახალგაზრდული და სპორტული ღონისძიებების (პროგრამული კოდი 05 01 02 01) პროგრამაში, 2.2.2.1 სხვა გაუთვალისწინებელი კულტურული ღონისძიებების (პროგრამული კოდი 05 02 02 01) პროგრამაში: სიტყვები „ადგილობრივი ბიუჯეტიდან.“, უნდა შეიცვალოს სიტყვებით: „მუნიციპალიტეტის ბიუჯეტი“, ვინაიდან, საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-2 პუნქტის „ა“ ქვეპუნქტი და სხვა მუხლები ითვალისწინებენ ტერმინს „მუნიციპალიტეტის ბიუჯეტი“ და არა ტერმინს „ადგილობრივი ბიუჯეტი“.

4. 4.3.2 მარტოხელა დედათა დახმარების (პროგრამული კოდი 06 03 02) პროგრამის შესაბამისად, პროგრამა ითვალისწინებს მარტოხელა დედათა დახმარებას. აღსანიშნავია, რომ საქართველოს სამოქალაქო კოდექსის 1191¹ -ე მუხლი, „მარტოხელა მშობლის სტატუსის დადგენისა და შესაბამის პირთა შესახებ მონაცემების წარმოების წესის დამტკიცების შესახებ“ საქართველოს იუსტიციის მინისტრისა და საქართველოს შრომის, ჯანმრთელობისა და სოციალური დაცვის მინისტრის 2015 წლის 16 ივნისის №79/№01-18 /ნ ერთობლივი ბრძანება ითვალისწინებს მარტოხელა მშობლის სტატუსსა და ტერმინს, რომელიც მოიცავს, როგორც მარტოხელა დედის, ასევე მარტოხელა მამის სტატუსს. „დისკრიმინაციის ყველა ფორმის

აღმოფხვრის შესახებ“ საქართველოს კანონის მე-2 მუხლის პირველი პუნქტის შესაბამისად, საქართველოში აკრძალულია ნებისმიერი სახის დისკრიმინაცია. ამავ, კანონის მე-2 მუხლის მე-2 პუნქტის შესაბამისად, პირდაპირი დისკრიმინაცია არის ისეთი მოპყრობა ან პირობების შექმნა, რომელიც პირს საქართველოს კანონმდებლობით დადგენილი უფლებებით სარგებლობისას ამ კანონის პირველი მუხლით გათვალისწინებული რომელიმე ნიშნის გამო არახელსაყრელ მდგომარეობაში აყენებს ანალოგიურ პირობებში მყოფ სხვა პირებთან შედარებით. ამავ, კანონის მე-4 მუხლის „ა“ ქვეპუნქტის შესაბამისად, დისკრიმინაციის აღმოსაფხვრელად ნებისმიერი დაწესებულება ვალდებულია თავისი საქმიანობა, აგრეთვე სამართლებრივი აქტები და შიდა რეგულაციები, თუ ისინი არსებობს, შეუსაბამოს ამ კანონსა და სხვა ანტიდისკრიმინაციულ კანონმდებლობას. ზემოხსენებული ნორმების შესაბამისად, ქალაქ ფოთის მუნიციპალიტეტის ბიუჯეტით გათვალისწინებული შეღავათები თანაბრად უნდა გავრცელდეს როგორც მარტოხელა დედაზე ასევე მარტოხელა მამაზე. ამდენად, მიზანშეწონილია, პროგრამაში სიტყვები “მარტოხელა დედა“ შეიცვალოს სიტყვებით: „მარტოხელა მშობელი“, ამასთანავე, ქალაქ ფოთის მუნიციპალიტეტის მერიამ უნდა შეისწავლოს საკითხი და უნდა დადგინდეს ის გარემოება, რომ ზემოხსენებული ცვლილებები, მნიშვნელოვნად ხომ არ გაზრდის ქალაქ ფოთის მუნიციპალიტეტის ბიუჯეტის ხარჯებს.

5. 4.3.3.5 უსინათლოებისათვის წნევის გამზომი ხმოვანი აპარატების შემენის (პროგრამული კოდი 06 03 03 07) პროგრამის შესაბამისად, (მე-2 აბზაცი) ფასთა გამოკითხვის შედეგად გამოვლენილ მომწოდებელთან გაფორმებული ხელშეკრულების თანახმად, მოთხოვნის შესაბამისად, განხორციელდება წნევის გამზომი ხმოვანი აპარატების შესყიდვა. „სახელმწიფო შესყიდვების შესახებ“ საქართველოს კანონი არ ითვალისწინებს ფასთა გამოკითხვის შედეგად გამოვლენილ მომწოდებელთან ხელშეკრულების გაფორმებას, ამდენად, ზემოხსენებული წინადადება უნდა ჩამოყალიბდეს შემდეგი რედაქციით: „ბენეფიციარების რაოდენობის შესაბამისად, განხორციელდება წნევის გამზომი ხმოვანი აპარატების შესყიდვა “სახელმწიფო შესყიდვების შესახებ“ საქართველოს კანონის მოთხოვნების დაცვით“. აქვე, აღსანიშნავია, რომ ზემოხსენებული საქონლის შესყიდვის დროს დაცულ უნდა იქნეს “სახელმწიფო შესყიდვების შესახებ“ საქართველოს კანონის მოთხოვნები, კერძოდ: დადგინდეს საქონლის მახასიათებელი, ხარისხი, ბაზარზე არსებული ფასები და სხვა.

4.5 სადღესასწაულო დღეებთან დაკავშირებული დახმარებები (პროგრამული კოდი 06 06) პროგრამა ითვალისწინებს სადღესასწაულო დღეებში დედიტა და დედ-მამით ობლების წელიწადში ორჯერ წახალისებას. ზემოხსენებული ნორმის შინაარსიდან გამომდინარე,

მხოლოდ მამით ობოლ ბავშვებზე დახმარება ვერ გაიცემა. „დისკრიმინაციის ყველა ფორმის აღმოფხვრის შესახებ“ საქართველოს კანონის მე-2 მუხლის პირველი პუნქტის შესაბამისად, საქართველოში აკრძალულია ნებისმიერი სახის დისკრიმინაცია. ამავე, კანონის მე-2 მუხლის მე-2 პუნქტის შესაბამისად, პირდაპირი დისკრიმინაცია არის ისეთი მოპყრობა ან პირობების შექმნა, რომელიც პირს საქართველოს კანონმდებლობით დადგენილი უფლებებით სარგებლობისას ამ კანონის პირველი მუხლით გათვალისწინებული რომელიმე ნიშნის გამო არახელსაყრელ მდგომარეობაში აყენებს ანალოგიურ პირობებში მყოფ სხვა პირებთან შედარებით. ამავე, კანონის მე-4 მუხლის „ა“ ქვეპუნქტის შესაბამისად, დისკრიმინაციის აღმოსაფხვრელად ნებისმიერი დაწესებულება ვალდებულია თავისი საქმიანობა, აგრეთვე სამართლებრივი აქტები და შიდა რეგულაციები, თუ ისინი არსებობს, შეუსაბამოს ამ კანონსა და სხვა ანტიდისკრიმინაციულ კანონმდებლობას. ზემოხსენებული ნორმების შესაბამისად, ქალაქ ფოთის მუნიციპალიტეტის ბიუჯეტით გათვალისწინებული შეღავათები თანაბრად უნდა გავრცელდეს როგორც დედით ისე მამით ობოლ ბავშვებზე. მიზანშეწონილია პროგრამის პირველი წინადადება ჩამოყალიბდეს შემდეგი რედაქციით: „4.5 სადღესასწაულო დღეებთან დაკავშირებული დახმარებები (პროგრამული კოდი 06 06) აღნიშნული პროგრამა ითვალისწინებს სადღესასწაულო დღეებში შემდეგი კატეგორიის ბენეფიციარების მატერიალურ წახალისებას: დედით ან მამით ან/და დედ-მამით ობლები- 17 წლამდე ასაკის – 100 ლარი წელიწადში ორჯერ.“ ამასთანავე, ქალაქ ფოთის მუნიციპალიტეტის მერიამ უნდა შეისწავლოს საკითხი და უნდა დადგინდეს ის გარემოება, რომ ზემოხსენებული ცვლილებები, მნიშვნელოვნად ხომ არ გაზრდის ქალაქ ფოთის მუნიციპალიტეტის ბიუჯეტის ხარჯებს.

ამდენად, კომისიას მიზანშეწონილად მიაჩნია ზემოხსენებული შენიშვნების გათვალისწინების მიზნით საკრებულოს დადგენილების პროექტი დაუბრუნდეს მერს.

იურიდიულ, სამანდატო, საპროცედურო
საკითხთა და ეთიკის კომისიის თავმჯდომარე



ზვია ცხვიტარია

ქალაქ ფოთის მუნიციპალიტეტის საკრებულო ფრაქცია „ქართული ოცნება-კონსერვატორები“

N1

20 ნოემბერი 2018 წ.

დასკვნა

ქალაქ ფოთის მუნიციპალიტეტის საკრებულოს ფრაქციამ „ქართული ოცნება-კონსერვატორები“ ფრაქციის სხდომაზე განიხილა დადგენილების პროექტი „ქალაქ ფოთის მუნიციპალიტეტის 2019 წლის ბიუჯეტის დამტკიცების შესახებ“ და ქალაქ ფოთის მუნიციპალიტეტის 2019 წლის პრიორიტეტების დოკუმენტი.

ქალაქ ფოთის მუნიციპალიტეტის საკრებულოს ფრაქცია „ქართული ოცნება“ ეთანხმება მერის მიერ წარმოდგენილ პროექტს შემდეგი შენიშვნების გათვალისწინებით:

1. 4.3.2 მარტოხელა დედათა დახმარების (პროგრამული კოდი 06 03 02) პროგრამის შესაბამისად, პროგრამა ითვალისწინებს მარტოხელა დედათა დახმარებას. მიზანშეწონილია, პროგრამაში სიტყვები “მარტოხელა დედა“ შეიცვალოს სიტყვებით: „მარტოხელა მშობელი“, ამასთანავე, ქალაქ ფოთის მუნიციპალიტეტის მერიამ უნდა შეისწავლოს საკითხი და უნდა დადგინდეს ის გარემოება, რომ ზემოხსენებული ცვლილებები, მნიშვნელოვნად ხომ არ გაზრდის ქალაქ ფოთის მუნიციპალიტეტის ბიუჯეტის ხარჯებს.
2. 4.5 სადღესასწაულო დღეებთან დაკავშირებული დახმარებები (პროგრამული კოდი 06 06) პროგრამა ითვალისწინებს სადღესასწაულო დღეებში დედითა და დედ-მამით ობლების წელიწადში ორჯერ წახალისებას. მიზანშეწონილია პროგრამის პირველი წინადადება ჩამოყალიბდეს შემდეგი რედაქციით: „4.5 სადღესასწაულო დღეებთან დაკავშირებული დახმარებები (პროგრამული კოდი 06 06) აღნიშნული პროგრამა ითვალისწინებს სადღესასწაულო დღეებში შემდეგი კატეგორიის ბენეფიციარების მატერიალურ წახალისებას: დედით ან მამით ან/და დედ-მამით ობლები- 17 წლამდე ასაკის – 100 ლარი წელიწადში ორჯერ.“ ამასთანავე, ქალაქ ფოთის მუნიციპალიტეტის მერიამ უნდა შეისწავლოს საკითხი და უნდა დადგინდეს ის გარემოება, რომ ზემოხსენებული ცვლილებები, მნიშვნელოვნად ხომ არ გაზრდის ქალაქ ფოთის მუნიციპალიტეტის ბიუჯეტის ხარჯებს.
3. საგზაო ინფრასტრუქტურის მშენებლობა, რეაბილიტაცია და მოვლა შენახვის (გზები და ხიდები) (კოდი 03.01.) თანხები გაიზარდოს.
4. კეთილმოწყობის ღონისძიებების (კოდი 03.03) თანხები გაიზარდოს.
5. მოსახლეობის მედიკამენტებით უზრუნველყოფის (პროგრამული კოდი 06.02.02) თანხები გაიზარდოს.

ფრაქციის თავმჯდომარე

ზვიად დგებუაძე

ქალაქ ფოთის მუნიციპალიტეტის საკრებულო

ფრაქცია „ქართული ოცნება-მრეწველები“

N 1

20 ნოემბერი 2018 წ.

დასკვნა

ქალაქ ფოთის მუნიციპალიტეტის საკრებულოს ფრაქციამ „ქართული ოცნება-მრეწველები“ ფრაქციის სხდომაზე განიხილა ქალაქ ფოთის მუნიციპალიტეტის მერის მიერ წარმოდგენილი საკითხი „ ქალაქ ფოთის მუნიციპალიტეტის მერის ანგარიში ქალაქ ფოთის მუნიციპალიტეტის 2018 წლის ბიუჯეტზე“.

ფრაქცია ეთანხმება წარმოდგენილ პროექტს შემდეგი შენიშვნების გათვალისწინებით:

- 1.სპორტული ობიექტების რეაბილიტაცია-მშენებლობა.(პროგრამული კოდი 06.01.05) ქალაქში არსებული სპორტული ობიექტების ნაწილი სასწრაფოდ საჭიროებს რეაბილიტაციას. აღნიშნულიდან გამომდინარე მიზანშეწონილად მივიჩნევთ ამ პუნქტში თანხის გაზრდას.
- 2.მოსახლეობის მედიკამენტებით უზრუნველყოფა (პროგრამული კოდი 06.02.02) ბოლო პერიოდში მძიმე ონკოლოგიური ფონის მატების გამო, კომისია მიზანშეწონილად მიიჩნევს გაიზარდოს მედიკამენტებით უზრუნველყოფის თანხა.
- 3.შშმ ბავშვთა რეაბილიტაციის დაფინანსება (პროგრამული კოდი 06.02.06) კომისია მიზანშეწონილად მიიჩნევს გაიზარდოს ამ მუხლით პროგრამულ მართვაში გათვალისწინებული მაქსიმალური თანხა 500 (ხუთასი) ლარიდან 1500 (ათასხუთასი) ლარამდე.
- 4.მარტოხელა დედათა დახმარება (პროგრამული კოდი 06.03.02) შეიცვალოს პროგრამის დასახელება „მარტოხელა დედათა დახმარება“ და ჩამოყალიბდეს შემდეგნაირად „მარტოხელა მშობელთა დახმარება“
5. 2008 წლის აგვისტოს მოვლენების დროს რუსეთის აგრესიის შედეგად დაღუპულთა ოჯახების დახმარება (პროგრამული კოდი 06.03.03.03) გაიზარდოს ბენეფიციართა ყოველთვიური დახმარება 150 (ასორმოცდაათი) ლარიდან 200 (ორასი) ლარამდე.
- 6.სადღესასწაულო დღეებთან დაკავშირებული დახმარებები (პროგრამული კოდი 06.06) აღნიშნული პროგრამის მართვაში შეიცვალოს წინადადება „დედით და დედ-მამით ობლები“ შეიცვალოს სიტყვებით: „მამით ან დედით ან/და დედ-მამით“.

ფრაქციის თავმჯდომარე

ჯემალ მიგინეიშვილი

საქართველო

ქალაქ ფოთის მუნიციპალიტეტის საკრებულო

ფრაქცია „კოლხეთი“

22 ნოემბერი 2018 წელი

დასკვნა

ქალაქ ფოთის მუნიციპალიტეტის საკრებულოს ფრაქციამ „კოლხეთი“ 2018 წლის 22 ნოემბერს ფრაქციის სხდომაზე განიხილა ქალაქ ფოთის საკრებულოს მუნიციპალიტეტის დადგენილების პროექტი „ქალაქ ფოთის მუნიციპალიტეტის 2019 წლის ბიუჯეტის დამტკიცების შესახებ“ ფრაქცია „კოლხეთი“ ეთანხმება წარმოდგენილ დადგენილების პროექტს შემდეგი შენიშვნების გათვალისწინებით.

1. ფინანსური და სხვა სხის მატერიალური დახმარება შეჭირვებული მოსახლეობისათვის.
2. უსახლკაროთათვის საცხოვრებელი ფართის გამოყოფის პროექტირება.
3. შეჭირვებული მოსახლეობისათვის კომუნალურ გადასახადებზე შეღავათი (ზამთრის თვეებში).
4. ემერჯენსის სამსახურის შექმნა (არსებული შენობის რემონტი).
5. დამსახურებულ მწვრთნელებზე ყოველთვიური დანამატის მიღება.
6. კულტურული მემკვიდრეობის ძეგლთა შენახვა-რეაბილიტაცია.

ფრაქციის თავმჯდომარე

მანია ჩხარტიშვილი

ქალაქ ფოთის მუნიციპალიტეტის საკრებულო ფრაქცია „ქართული ოცნება“

N 1

20 ნოემბერი 2018 წ.

დასკვნა

ქალაქ ფოთის მუნიციპალიტეტის საკრებულოს ფრაქციამ „ქართული ოცნება“ ფრაქციის სხდომაზე განიხილა დადგენილების პროექტი „ქალაქ ფოთის მუნიციპალიტეტის 2019 წლის ბიუჯეტის დამტკიცების შესახებ“ და ქალაქ ფოთის მუნიციპალიტეტის 2019 წლის პრიორიტეტების დოკუმენტი.

ქალაქ ფოთის მუნიციპალიტეტის საკრებულოს ფრაქცია „ქართული ოცნება“ ეთანხმება მერის მიერ წარმოდგენილ პროექტს შემდეგი შენიშვნების გათვალისწინებით:

1. 4.3.2 მარტოხელა დედათა დახმარების (პროგრამული კოდი 06 03 02) პროგრამის შესაბამისად, პროგრამა ითვალისწინებს მარტოხელა დედათა დახმარებას. მიზანშეწონილია, პროგრამაში სიტყვები “მარტოხელა დედა” შეიცვალოს სიტყვებით: „მარტოხელა მშობელი“, ამასთანავე, ქალაქ ფოთის მუნიციპალიტეტის მერიამ უნდა შეისწავლოს საკითხი და უნდა დადგინდეს ის გარემოება, რომ ზემოხსენებული ცვლილებები, მნიშვნელოვნად ხომ არ გაზრდის ქალაქ ფოთის მუნიციპალიტეტის ბიუჯეტის ხარჯებს.
2. 4.5 სადღესასწაულო დღეებთან დაკავშირებული დახმარებები (პროგრამული კოდი 06 06) პროგრამა ითვალისწინებს სადღესასწაულო დღეებში დედითა და დედ-მამით ობლების წელიწადში ორჯერ წახალისებას. მიზანშეწონილია პროგრამის პირველი წინადადება ჩამოყალიბდეს შემდეგი რედაქციით: „4.5 სადღესასწაულო დღეებთან დაკავშირებული დახმარებები (პროგრამული კოდი 06 06) აღნიშნული პროგრამა ითვალისწინებს სადღესასწაულო დღეებში შემდეგი კატეგორიის ბენეფიციარების მატერიალურ წახალისებას: დედით ან მამით ან/და დედ-მამით ობლები- 17 წლამდე ასაკის – 100 ლარი წელიწადში ორჯერ.“ ამასთანავე, ქალაქ ფოთის მუნიციპალიტეტის მერიამ უნდა შეისწავლოს საკითხი და უნდა დადგინდეს ის გარემოება, რომ ზემოხსენებული ცვლილებები, მნიშვნელოვნად ხომ არ გაზრდის ქალაქ ფოთის მუნიციპალიტეტის ბიუჯეტის ხარჯებს.
3. საგზაო ინფრასტრუქტურის მშენებლობა, რეაბილიტაცია და მოვლა შენახვის (გზები და ხიდები) (კოდი 03.01.) თანხები გაიზარდოს.
4. კეთილმოწყობის ღონისძიებების (კოდი 03.03) თანხები გაიზარდოს.
5. მოსახლეობის მედიკამენტებით უზრუნველყოფის (პროგრამული კოდი 06.02.02) თანხები გაიზარდოს.

ფრაქციის თავმჯდომარე

 ზურაბ ჩაჩუა